

佛遊縣志

第四十三至四十三卷

僊遊縣志卷之四十

人物志八

孝友

百行莫先於孝能孝者必友此孝友之所以並言也天性也稷鋤德色箕箒詳語則俗之敝矣夫祇此庸行之常亦不禁用心之異芟不以薦豈誠所嗜之不思義則已匪乃至每讀而必泣故事親若曾子之養志尙矣他若雞黍逮存風木身後亦有足多者焉甚而廬墓有似干名割股幾同毀體要皆愛親之念終殊制行之畸瑣屑書之庶幾爲子者共矢竭力之誠哉

宋

葉任字仲堪賓子蔭授江州德化縣尉歲餘乞便事親得泉州司戶參軍持正不苟拂監司意因自牒去職歸侍父至歿不去左右遂無意仕進窮山水娛詩酒以自放卒年五十有四蔡襄嘗曰仲堪爲吏必先繩其尤強猾者治民必先憐其尤貧弱者上官以勢奪其是如以礫食吾不從也其餘居家廩有餘粟遇歲凶荒薄其直而出州黨賴之民有喪與疾時其緩急以濟其力游舊之好益困愈親若寒而就煖吾不去也故其生也人譽而亡也人哀其推重之如此子祐進士有文詞

裕性至孝父卒時方十五歲持喪如成人

蔡傳字永翁襄仲子旬之子也襄三子旬旻皆蚤世襄卒朝廷錄其子孫以傳守將作監簿時方二歲母劉氏撫教及長貫穿經史以養母故不遊場屋歷朝奉郎通判南京留守司年四十三卽疏乞致仕奉母以歸官至朝請郎累贈金紫光祿大夫子三櫨樞楸各有傳

林一鶚字雲卿正姪紹興二十一年進士父歿廬墓旁衰經三年知南豐縣民多頌其德擢審計院出判江州官至朝奉郎子渙知都昌縣

黃廓字大器太常博士中庸曾孫平江令徹之子也事親孝芝產於廬者三鄭樵爲文紀之

傅孝明字起敬誠從弟母蔣氏疾藥罔效剖肝和粥以進遂瘳陳謙聞之爲題孝感堂王邁歌其事陳享運字俊明性最孝父母歿廬墓三年常倚木而哭木爲之枯乾道間舉孝廉不起

郭濟其先有名義重者紹興間隨高宗至錢塘聞母喪徒跣奔葬廬墓甘露降烏鵲馴詔旌雙闕四世孫道卿景炎間盜起日抱母柩泣盜知其孝戒勿毀其家復與弟佐卿俱爲盜執兄弟爭死盜兩釋之道卿子廷煒扶父避亂相失廷煒痛哭水滸賊憐其哀歸其父父卒夢與共臥頗生二黑子與父肖烏集芝產武宗勅旌之濟傳家以孝家貧父病氣息奄奄刲股和羹甫及匕而愈庶母病亦如之知縣趙與泌給錢米以旌其孝

元

鄭觀字德望中丞良士裔孫元至正末從兄鼎之楓兄撫之成立觀事兄如父及兄歿事嫂如母或以其老勸析箸觀蹙然曰我賴兄嫂以有今日今兄亡嫂歿諸姪尙幼遽爾分爨何面目見吾兄於地下因指後庭小荔樹示諸子曰待此樹成林分未晚也自是食指漸繁家守節儉園植李百株淹其子以爲蔬餼人給二枚恬如也至明景泰六年乃分歷四世百餘年荔陰已蔭滿庭矣人稱爲浦江義門復見云

明

李義甫幼有至性父病侍養十年不離左右行樟林道拾白金因憩樹下有頃失者至詳道失金故叩其數悉符遂以還之卻其酬洪武十四年知縣顧思敬以孝廉薦授浙江理問所提控案牘陞副理問

顧雍字朝熙家貧行孝爲鄉人稱許郡守王弼扁其門晚與鄭紀陳遷結耆樂會人方之陳亨運云鄭主忠號三峯紀季子以父廕補壽州知州孝友性成致仕回忠卽乞歸終養及紀卒哀毀骨立兄主敬任浙江司主事卒於官姪箕尙在襁褓主忠教育如己出僉都御史陳志以孝友疏聞林禹疇自高祖光輝至禹疇凡五世同居庭無閒言巡按御史王以旂遣官獎勞之

蕭蕭字洪鼎正德間父以事克南策衛軍母林氏孕蕭三月及蕭生十五歲每與母言及父事輒淚下父殞衛所蕭聞訃慟哭仆地例當補伍刺血書本叩關會赦蕭卽奔赴衛尋父骸歸葬

林椿字庭茂遠祖明輔自莆澄渚遷仙之石碑村又徙楓亭與弟惟嶽三世共爨士林重之過其廬者咸稱爲林長者家

陳雄字宗道宋朝散大夫鑄之後性至孝母病設榻臥側者九年每食嚼而飼之一日禱於里內之金紫溪忽有泉湧出雄取以奉母母飲之立愈人號其泉曰孝泉後山寇發欲刃其母雄請以身代賊感而釋之

陸昭字孔明釗之元孫也洪武十二年以孝行人才膺薦辟授御史後遷戶部主事請於朝乞封始祖秀夫衣冠墓及蔡氏夫人墓奉旨給假歸鄉焚黃里人以爲孝復薦莆田友人鄭文華於朝疏言臣剛介性成落落交罕惟友人鄭文華學行文章卓然可舉後成化間岳正爲昭重門生出守興郡率郡僚屬以文祭墓

陳惟廣可大後平日以忠厚聞兄子少孤鞠育備至及成立以己產半與之

鄭繡字仰化邑諸生廉官照之孫也有田五十畝讓與長兄又闢祠基族黨稱之子光啓字偕唐好義輕財克遵父志孫東暘字汝升事繼母戴以孝聞鄉人謠曰朱氏爲繼母王門有休徵戴氏爲

繼母鄭門有汝升曾孫四明字欽視亦能守祖父遺意歲饑捐貲市米以賑饑乏事聞當道旌之曰世德傳芳

茅孔字師魯號雪松居士年十六喪父孝事祖母及母搆愛萱堂兄弟同居營別墅於騰山環植花菓日飲酒讀書其處宣德間御史尹高按部與語賢之疏聞榮以冠帶

茅雍字邦尊邑諸生性孝友博學好古父蘆橋病瘋艱坐起雍躬自掖負湯藥必親父安食乃食安寢乃寢母張氏年老兄序任昌平教職雍恪供子職序以是無內顧憂竟短於壽人皆惜之

吳士紳字元甫郡諸生父于墀病侍湯藥衣不解帶雖暑夜未嘗就寢及病篤刲股和粥以進願以身代鄉里欲以事聞士紳曰吾以父病博名耶力卻之後父卒居喪盡禮既葬祭掃必時事伯兄如父撫季弟如子爲里族推重子駿聲登賢書國朝壬辰會副教諭閩縣聞耿藩將有異志先投効歸

陳衷經邑廩生與從弟侯官訓導衷丹同時刲股愈母知縣梅延年旌之又有茅正者與其弟季福皆刲股愈母梅延年匾曰一乳三孝

王顯幢字經巒祖良翰病篤顯幢方十四歲刲股愈之知縣梅延年旌爲順孫奇孝又有諸生鄭知遇者年十四祖母病亦如之知縣徐觀復旌之

林明先母張氏病篤刲股以進知縣莫天淳旌之母卒廬墓旁晝夕號泣哀切動人子孟茂亦若是療母咸欽爲孝子家云又有黃朝尊黃祖棟符祥鄭遜胡哥傳柏親病皆削腕和羹而黃弃休者錐胸取肝父病以痊鄉黨皆稱爲異孝

初尊慈孝里西園人

林寶父早喪力田養母母病剖肝以進延壽二紀創久不能愈後偶於野田中拾得異桃服之乃愈寶弟福妻陳氏亦剔臂療姑知縣李扶並旌之及寶卒鄉人以其孝行足風祠祀折桂里東山之陽

柯紹寶母病剗肢當藥弟紹藏妻陳氏亦如是奉姑知縣顏佐匾曰一門兩孝

余瓊州字伯玉撫弟姪如己子父熙寔病祝天刲股元孫龍騰饒平衛海事大父病亦如瓊州事聞當道獎云一門純孝可以維風

李大紹字宗烈九歲父天爵歿痛不及養刻木以奉朔望瞻拜如事生焉鄉人咸擬之丁蘭事寡母陳氏歷八十餘載竭力承顏有如一曰性好善凡橋梁道路多爲修整

陳一辰字聖政邑學生年十三父病篤刲股愈之知縣晏善成匾曰孺孝天成

李文字日章景耀四子母黃氏病文祝天刺肘和糜其長子洪毓醫母如其父推官殷宗器匾曰孝行重光四子瑀亦以孝聞瑀病長子開英妻傅氏刲股愈之瑀妻卓氏病開英亦祝天刲股一門

孝行爲世罕觀云

陳聖玉號碧峰事親以孝著少時父病聖玉焚香祝天一日甘露降於庭父吸而愈咸以爲孝感所致

清

朱孟愷父嗜酒恆醉每讌集戚友家孟愷露立門外以俟雖風宵雨晦不去也會海寇陷城昇父逃山中道遇寇將殺其父懇以身代寇感其孝釋之叔某死於寇遺骸莫辨孟愷血指滴骨認歸父歿廬墓三年雍正四年旌表

陳儒鼎字應瓊性恬靜熟諸史上下數千年彙彙如貫大母王氏病刲股愈之人稱其孝順治間以歲貢授德化訓導誘迪不倦歸老猶日以書史自娛不與外事

魏和興賢里坑園人父臥病母不得於其父因爲所去和苦諫不從事父愈謹家貧或周以穀不受或助以金謀納室曰母何在敢及此耶自力以養三十年不避寒暑偶以事出必囑諸隣代周視刻期歸風雨不失隣感其意代爲之炊有徵租者至里和適輪膳期遲久乃至徵者餓甚詈之和笑受不言所以或告之曰此孝子也侍父食畢乃來耳徵者嘆服不忍膳而去後竟已其膳且減其租父歿不克葬里人相與贈賻謀葬地復助之娶生一子和歿後其家園下有一坡多生美菜

里人以和故因指爲蓼莪坡

王來章字斐達衛庠生康熙甲寅父增廣生祖孔爲海寇所擄來章隻身奔赴賊寨哀訴求釋賊憐而歸之創文賢里雙溪塘頭橋修梅嶺楓亭路蓋養氣清水杯石諸亭以惠行者丁亥歲饑出米三百石以賑人賴以活

鄭偉字蒼伊邑諸生戶部正學孫衢州教授承禎子承禎患疽偉衣不解帶歷十晝夜父憐之詭云已愈令就寢偉仍伺立門外父意其已寢略呻吟而偉已在臥側父歿哀毀終喪忌辰三日前卽齋戒至期掛象於堂哭之生平不苟取歲饑有乘夜暗投以米偉見之輒取置門外閉其門以寢年七十五一日忽具衣冠辭親友曰某日某時將永訣矣應期而逝

僊遊縣志卷之四十一

人物志九

鄉行

君子行修於鄉使鄉之人薰其德而善良是大有造於鄉者也豈徒乘下澤車御款段馬使鄉里稱善人已哉然畏彥方之知存乎人而修孝己之行存乎己其有多行善事濟人利物者固堪不朽卽或一事堪稱一節足美亦皆砥礪厥躬淑修有素者也覩斯志也匹夫慕義何處不勉又未必無小補云

宋

陳汝器性友愛以己分貲遜其兄湛妻朱氏寶文閣待制絨之女也有賢德積善憐貧有告糶者如其數予之私藏其值於米中告之曰有糶幸再簞其人歸檢視得錢或袖還拒不受一夕飛錢滿室夫婦焚香祝曰願減錢半生貴子光顯門戶祝畢飛去半事聞官爲蓋庫藏之因名其家曰錢庫後生子三可行國子監丞可久秉義郎可大第進士官朝散大夫先是可大幼時過南溪渡風雨大作舟幾沒忽若有神護之而濟歸告其母母曰異日倖得志願造橋於此及可大知肇慶府

表請歸養承母命造仙溪橋力不給其昔祝去之錢復飛來以竣厥事可大自有傳汝器封奉直大夫年九十四卒朱氏封有德太夫人年九十六卒

洪忠慶歷初以家貲造楓亭沙溪等橋凡七所邑人陳高紀其事蔡襄持節本路以勞績奏勅賜本軍助教仍蠲其役子範進士歷知安溪縣終朝散郎人以爲積善之報

張叡熙寧間應入行科生平重厚不苟鄉人稱爲八行先生子軹字景載政和二年進士歷福州通判至承議郎賜五品服

陳大年字彥永貢辟雍同舍生陳仲防患疫人皆避之大年曰疾病相棄豈朋友誼邪爲召醫診視已而仲防瘥謝曰彥永所謂生死交情者也紹興十五年以特奏名調昭州推官嘗攝州事民皆德之

李友文字仁可倜儻有氣節舉進士不第卽棄去愛人樂施築精舍延師教鄉子弟撫諭使陳忠肅辟授初階力辭寇亂友文糾合鄉勇以爲保固鄉人賴之

明

方叔廣字以寬永樂間以稅戶人材薦嘗施榘以殯貧死時鄉有道亡者叔廣爲殮埋之後數日其親至記以毆死訴郡抵獄期歲不能辯值赦獲免或勸之曰施榘求福反以得禍願勿復爲叔廣

曰周公忠信不免跋扈庸人小善便覬望於天乎施如初

鄭恆淑高邁樂施力所能爲無有不周正統九年例僉輪糧於京師見鄉人逋負縲絏至衆憫之遂以徵完報使得釋約期來納及期間有至者率空手恆淑悉代爲賠子紀進士以檢討歸養時故人以御史按郡或緣事以千金屬求解恆淑不可磨使亟去後累贈南京戶部右侍郎

張瀚字德源葆光處士弼之後寬厚禮士凡道路橋梁有傾圯者輒出貲助修永樂初以有產秀民舉至京同儕皆得美官瀚獨託疾歸操尙清潔人稱爲樂素先生子邦重樂善好義有父風

吳永邑諸生與宋啓相友善永樂末年同充國子生啓暴病永扶護不少離夜同枕席人密語永曰啓之病革矣倘相染悔可追乎永曰吾與啓更相爲命古人嘗許友以死今客他鄉若委而去之不仁孰甚脫相染亦天命又何悔後啓瘞而永病卒國學共推義友啓字士通父病侍養不離巡撫張棟以孝廉薦授陽春縣會大旱啓宿壇虔禱雨隨大沛時稱爲宋雨捐置學田以資貧寒都人士爲之立碑

鄭清字必寅例授高要縣丞尋署縣事以廉能稱年未五十丐歸輕財好義正統二年邑人鄭紀廣築邑城清捐數百金助成之絕不言功士論多之

陳履素字俊明邑諸生性樸拙持大體嘗與修南湖助建安利橋鄭紀高其行與知縣萬璉書謂爲

陳履素之敦龐張德源之好施林孟光之野樸鄭德安之古澹後生小子猶能誇頌而向慕之與賓筵十餘年或託故不起邑人皆曰不得履素鄉飲可勿舉也年八十四卒孫儼恩貢生弋陽王府教授

茅襄字宏贊宋助教知至之後性好義嘗倡修聖廟及仙橋石雲諸橋邑去莆小嶼吉了百里許舊以邑人充寨兵襄率衆白官以役歸莆又病學宮南湖之隘割田廣之有貧不能喪者施槥殯之號梅洞道人子陽自有傳

鄭鳳字儀祥成化間應捐例授七品散官樂善好施邑人鄭紀造青龍橋捐百金以助處兄弟篤恩愛每鄉飲有司必虛賓席以請多不應人皆稱爲謙厚長者

吳元禪樂善不倦燕賓筵者十有二次正德元年漳寇突至肆掠戒勿驚其家仍與其人以示勸又有鄭傳巖者亦好施里有大濟橋爲永春德化孔道嘉靖時圯傳巖德之子廷球孫鉉皆能成其功國朝順治間寇亂其孫名彥日者被擄鄉人鳩金以贖寇問故竟卻其金釋彥日還

盧仲生字怡蘭正德丁丑八月與魏昇討賊陳四殲之察院沈詳請給冠帶任巡捕事後出貲築東門城一百五十丈先是賊黨哨聚仲生出家財招勇士三百餘以保地方及賊逼城知縣林汝常嘗召去衆以助增禦論者義之

李思吾其先莆人嘉靖間避倭居僊貧甚商於外拾遺金四十兩惻然思曰我得所無彼失所有倘關性命奈何爰默識其封數以候及失者至思吾訊之淚言爲後母不子父密爲稱貸經紀今失去必無歸理質其數悉符還之不受其謝卒年八十餘子九奎字子舉邑諸生以母曾氏死於倭茹蔬衣布終身不受孫子壽建祠置租周貧恤乏毫無德色將終焚百金券曰子孫賢自無藉此不賢卽爲訟端咸稱爲有道逸叟亦年八十

林柘字于茂嘉靖間與同里歐養林一龍者在京聽選奏言里屬山居派給糧差及官牛之累乞準下則起科上可其奏爲免浮糧二百五十八石牛匹米九石里人德之像祀何嶺

鄭夢旂字善招性豪邁喜排解鄉有利害率以身爭惠邑有顯宦戴姓於大平橋上駕肆漁利楓民患之夢旂伺監司過楓詣陳利害可其議立命折毀縣令知其賢至楓必延詢興革事夢旂陳說無不切中

徐光甫字喬岳漠視世利嘗解衣以衣人喜讀性理及先哲諸格言卒年七十四子先登潛修不仕精於易理慕善尤摯得年八十孫穉佳行人司積佳拔貢生

李儀正謙冲待物名列旌善亭郡守朱袞書爲善最樂獎之而林時亨李子科亦喜恤貧當時皆以善士稱

林崇文少以穎敏稱長涉獵子史父歿家貧服勤養母後家稍裕於所居夏頓村別築一室名靜菴
曰吾以此葆吾真也遂以自號年八十奉詔冠帶

陳于徵字輝山宕往不羈家故饒喜周濟信義爲鄉隣悅服嘗得其一言以爲平後或犯必戒勿使
知明季山澤多警于徵散家貲結客以爲保固鄉人賴之子逢璋嘗置義塚修橋路邑舉耆賓
傳啓字思明楫之後成化間貢入國子監授寶鈔提舉有鄉宦舉家病疫人罕到其門啓日夜往視
終始不渝後啓亦染病夫婦俱歿於京師同郡吳方伯繹思護其柩歸一子未婚卒人以是嘆天
道之無知云

鄭天祐字君作嘗齋貲以遊鬻魚鳥縱之人咸呼爲顧公有售以產者後子孫貧甚復如其值以給
之晚辟火食日飲醇酒數勺微醺輒歌漁父篇以自況鄭善夫以爲逃名佯狂者流郭世望少攻
舉子業屢試不遇遂棄去每逢故知慷慨談文暢飲權適性又好施至老不倦

唐雨字徵畢任真敦行不屑治產倡樂志社赴人緩急方病自檢錢穀悉歸兄嫂

戴洪恩字仰泉擁厚貲隆師課子及家中落食貧茹澹志不少衰雨後以孫顯悅貴贈通議大夫兵
部侍郎洪恩子震亨震雷亦舉於鄉知縣事

吳元和字祥字居家孝友讀書不遇遂精於醫以救人其行善惟恥人知後子廷鯤孫名惶名耀先

後成名高兆震亦以醫名視疾必先貧賤藥不求值二弟蚤亡子姪服用必均有富室婢過其家道失燭其主撻之索於兆震初不置辯償其值後覓得乃媿謝人方之真不疑云

謝世美字奎章仁厚好施捐田百畝入縣庠資膏火凡邑之橋梁祠廟諸善事無不悉力爲之邑人高其行請燕賓筵

徐穉佳字元孺由進士官行人司行人幼聰穎人號神童弱冠入泮事父事大父以孝稱父偶怒穉佳跪伏必俟顏霽乃起生平慎交遊無狎客無燕朋致仕後奉雙白課兒曹一門內怡怡如也祀孝祠

周贊瑞連江里人家無厚賞嘗造棺木以施貧者兵下中左婦女爲俘獲者贊瑞悉贖回請引資以道費完聚者甚衆邑侯孫之屏高其義匾獎之順治七年募建西明寺多出其力病逝日有見贊瑞於西明嶺下者詰之曰往西明及過贊瑞家則贊瑞死矣乃知道所遇者其神也

陳高春性孝母吳氏方娠七月父邑諸生仲純遊學金陵卒於旅邸高春年十五揭金尋父骸歸葬順治初海氛方熾負母逃難母歿刻像事之每詣墓號慟喜爲善事後舉者賓子二長周臣字陽光職員次清臣字陽潼太學生友愛合爨終身未嘗有間言母病清臣刲股歿後周臣廬墓哀思

康熙庚寅辛卯暨後丁酉戊戌年荒兄弟先後捐米施粥減價平糶歲晚視人之貧者密濟錢米修造路橋二十餘處施木瘞骸隣里欽其德

林豫震號懼修邑諸生爲人倜儻多奇節三拾遺金悉還其人通天文地理諸書尤精六壬之學賊首王士玉欲引爲謀主不從以兵劫之不爲動士玉奇之贈金三千卻之或詰其故答曰取與大節也一介尙不可苟况三千金乎且此賊不久自敗受其金徒自累耳人服其操與林蘭友最相善蘭友每至縣必過其家

張自蘭字芳遠邑諸生崇禎末寇亂賊陳尾擄其兄自蘭年甫十八親詣賊營願以身代賊義之因得脫郭爾隆寇興太里按寨索餉自蘭破產以護族黨男榮用字嘗友郡諸生事親孝自蘭歿後授徒養母偶有百里之行必敬告父墓歸亦如之家貧好施力行功過格終身不懈

徐南字培政性孝父歿海氛具衣冠以葬終身不肯寫真或強之淚漣然下事孀母誠敬家貧湛如也工書教授鄉里以養母母歿營葬無力計覓一地則諸子乏資營生南喟然曰吾父母得安奚恤諸兒貧乏遂買之性樂善邑有義舉必力任後家稍裕泉郡都督施韜深信之初韜修建僊邑諸橋梁所費不貲以南誠懇金悉付焉時採石未備未及興工或讒南以金錢授兒輩韜疑遣使託詞以取南出原金付之千金具在封尙未啟也使者顧而笑以情告其他操守多類此雍正九